



Alkoholpolitisk plan for Lindås kommune

Planen omfattar:

Del II Retningslinjer for behandling
av alkoholsaker

Del III Forskrift om sals-, skjenke-
og opningstider

Vedtøken av kommunestyret i sak 65/08, i mØte 12.06.08

Del II Retningslinjer for behandling av alkoholsaker-

Innhald

LINDÅS KOMMUNE	Feil! Bokmerke er ikke definert.
Del II Retningslinjer for behandling av alkoholsaker -	1
II – 1 Definisjonar	2
II – 2 Tiltak for å regulere tilgjenge av alkohol.....	3
II – 2.1 Søknader/tildeling av sals- og skjenkeløyve	3
II- 2.11 Behandling av søknader om sals- og skjenkeløyver i kommunen	3
II – 2.2 Krav til søknad om sals-/skjenkeløyve	3
II – 2.21 Kontroll av opplysningar på søknadskjemaet	4
II – 2.22 Uttale.....	4
II – 2.23 Vilkår som må bli oppfylt før løyvedokument blir utferdiga	4
II – 2.24 Salsløyve i kommunen	5
II – 2.25 Skjenkeløyve i kommunen	6
II – 2.26 Ambulerande skjenkeløyve i kommunen	8
II – 2.27 Opne arrangement	9
II – 2.28 Løyve til uteservering	9
II – 2.29 Gjennomføring av kunnskapsprøven om alkohollova.....	11
II – 2.291 Kontroll med sals- og skjenkeløyve og reaksjonar	11
på brot.....	11
II – 2.2911 Generelle bestemmelser	11
II – 2.2912 Kontroll av salsstadene	12
II – 2.29121 Kontroll av skjenkestadene – retningslinjer i kommunen	12
II – 2.2913 Kontrollrapportar	13
II – 2.2914 Reaksjonar ved brot på alkohollova.....	13
Del III Forskrift om sals-, skjenke- og opningstider i Lindås kommune	15
Sal og utlevering av alkoholhaldig drikk.....	15
2. Alminnelege skjenkebestemmelser	15
3. Opningstider	16
4. Konsum av utskjenka alkohol.....	16

II – 1 Definisjonar

Med ”**spisestader**” meiner vi stader der verksemda framstår og blir dreve som ein serveringsstad med hovudvekt på servering av mat. Om lag 25% at totalomsetninga bør vere **matsservering**. Dersom meir enn 25% av totalomsetjinga ved ein stad er alkoholhaldig drikk, kan staden vanlegvis ikkje bli sett på som ein spisestad. Som mat reknast ikkje alkoholhaldig eller alkoholfritt drikke. Ved alle spisestader skal det liggje føre eit fullverdig mattilbod i heile skjenketida. Revisorstadsfesta oppgaver som viser innkjøp fordelt på varegrupper skal sendast til til kommunen seinast 15.juli og 15.januar.

Med ”**hotell**” meiner vi verksemder som har minst 30 rom med dusj/bad og toalett. I tillegg må verksemda og ha resepsjonsteneste og lokale der alle måltider skal kunne bli servert. Ved verksemder som ikkje oppfyller dei spesifikke krav til hotell kan det etter ei konkret vurdering bli gjort unnatak – dersom avvika er av mindre omfang.

Med ”**stader med liten eller ingen matsservering**” meiner vi puber, barar, diskotek eller lignende, som ikkje fell inn under andre kategoriar.

Med ”**selskapslokale**” meiner vi lokale der slutta selskap blir avhalde. Grendahus kan vere eit døme på eit likt lokale. Dersom lokale er open for alminneleg publikum – må

det slutta selskap bli halde fysisk atskilt frå lokale elles. Med dette meiner vi at det slutta selskap må bli halde eige rom på skjenkestaden. Avskjerming i form av plantar eller andre provisoriske løysingar blir ikkje akseptert. Dette gjeld alle serveringsstader.

Med ”**slutta selskap**” meiner vi ein krets av bestemte (inviterte) personar som blir samla for eit bestemt høve. Kretsen må ikkje vere open for utanforståande. Det er ikkje tilstrekkeleg at ein – før skjenkinga tek til – skriv seg på ein liste eller kjøper billetter. Det ein tek sikte på er dei tilfelle der privatpersonar ønskjer å avvikle eit privat arrangement i leigde lokale – i staden for å halde arrangementet heime.

II – 2 Tiltak for å regulere tilgjenget av alkohol

Alkoholova regulerar tilgjenget av alkoholova m.a. gjennom ordninga med:

Løyve

Fastsetjing av vilkår for korleis sal og skjenking skal gå føre seg

Kontroll med at løyvehavarane følgjer vilkåra.

Reglar som tek sikte på å påverke etterspurnadsida – m.a. aldersgrenser og forbod mot alkoholreklame.

II – 2.1 Søknader/tildeling av sals- og skjenkeløyve

Kommunen kan tildele to hovudtyper løyve:

Salsløyve

Skjenkeløyve – permanent eller for eit einskilt høve

II- 2.11 Behandling av søknader om sals- og skjenkeløyver i kommunen

Søknader om nye sals- og skjenkeløyver og søknader om endringar i eksisterande løyve blir **behandla fortløpande**.

Søknader om utviding av skjenkeareal blir behandla etter **same** retningslinjer som søknader om skjenkeløyve.

Ved innstilling til sals- og skjenkeløyve skal rådmannen alltid gje ei vurdering av konsekvensar i høve til oppvekst- og bumiljø.

II – 2.2 Krav til søknad om sals-/skjenkeløyve

Søknad om sals- og skjenkeløyver og søknader om endringar i eksisterande løyve skal – så langt det høver for vedkomande verksemd – innehalde følgjande opplysningar:

- a) **Navn og adresse** på vedkomande – som eig verksemda. **Firmaattest** skal vedleggjast søknaden. Attesten skal ikkje vere eldre enn 2 månader.
- b) **Type verksemd.**
- c) **Adresse på staden** – der verksemda skal drivast.
- d) **Navn og adresse på styrar og stedfortreder** – samt opplysningar om deira **tilknytning** til verksemda.
- e) **Eigenerklæring** der det går fram at søkjar har **tilgang til lokale** der verksemda skal drivast.
- f) **Teikningar** der sals- og skjenkeareal er skravert.
- g) **Beskriving av opplegg for drifta** som hindrar at lyd frå skjenkestaden blir til vesentleg sjenanse eller ulempe for bebuarar i området – og tilsvarande opplegg for orden på området rundt inngangspartiet.
- h) **Opplysningar som er naudsynte for å vurdere vandel og** det å vere eigna som løyvehavar, eigarar og dei som får slike inntekter eller har slik innflyting som går fram av alkohollova § 1-7b.
- i) Om søkjar har serveringsløyve. Som hovudregel må ein skjenkestad ha serveringsløyve for å utøve sitt skjenkeløyve.

II – 2.21 Kontroll av opplysningar på søknadskjemaet

Løyvemyndigheita kan kontrollere opplysningane i søknaden ved oppslag i **Brønnøysundregistrene** – og ved å innhente opplysningar frå **andre instansar/etatar** etter behov.

II – 2.22 Uttale

Søknader om **nye sals- eller skjenkeløyver og endringar i eksisterande løyve** skal leggjast fram for **uttale** til:

- Sosialtenesta
- Politiet

Og kan i tillegg leggjast fram for:

- Skatteoppkrevjar
- Skattekontor
- Tollvesen
- Arbeidstilsyn

II – 2.23 Vilkår som må bli oppfylt før løyvedokument blir utferdiga

Etter at det er gjort vedtak om tildeling av løyve må løyvehavar – før løyvedokumentet blir utferdiga og løyvet kan bli teke i bruk, sende **følgjande dokumentasjon til kommunen:**

- Dokumentasjon frå **brannvesenet** på fastsetting av maksimalt personal for lokalet
- Dokumentasjon på at styrar og stadfortreder har bestått **kunnskapstesten** etter alkohollova § 1-7c, 3. ledd.
- Firmaattest

I tillegg må søkjar sende inn **eigenerklæring** – der følgjande forhold blir stadfesta:

- At det ligg føre **brukstillating** frå byggjemyndigheitene
- Kopi av bruksløyve/ferdigattest vert lagt ved
- At verksemda før oppstart har innhenta dei naudsynte løyve frå **Mattilsynet**
- At verksemda vil bli **registrert i meirverdiavgiftsmanntallet** så snart registreringsplikta inntre
- At **alle tilsette er registrert i arbeidstakarregisteret**
- At alle tilsette har **lovlege arbeidskontraktar**
- At det er **teikna yrkesskadeforsikring for alle tilsette**.

II – 2.231 Løyvehavars plikt til til å gi melding til kommunen

Løyvehar (sals-/skjenkeløyve) har sjølv ansvar for til ei kvar tid å leggje fram opplysningar for løyvegjevar - som kan ha konsekvens – i forhold til dei vilkår løyvet er gitt på.

II – 2.24 Salsløyve i kommunen

II – 2.241 Salsløyve for drikk som inneheld høgst 4.7 volumprosent alkohol i kommunen.

Salsløyve for drikk som inneheld høgst 4.7 volumprosent alkohol kan berre bli tildelt daglegvareforretningar og fedevareforretningar.

Med daglegvareforretningar meiner vi forretningar med følgjande daglegvarar:

”Som **daglegevarar** reknast matvarar og andre nærings- og nyttingsmidlar, dyremat, vaske- og reingjeringsmidlar, toalettartiklar, hushaldingsvarar av papir, plast, rense- og reingjeringsmidlar, toalettartiklar, hushaldingsvarar av papir, plast, bone-, reinse- og pussemidlar. Forretningen må har eit matvaretilbod som er klart breiare enn dei tradisjonelle kioskar.”

Vareutval retta mot spesielle forbrukargrupper blir sett på som tilstrekkelege når det dekkjer alminnelege daglegvarebehov for desse grupper. Det er omsetninga av vareslaga som er avgjerande for om staden blir rekna som ein daglegvarebutikk eller som ein kiosk. Vareutvalet i hyllene er ikkje tilstrekkeleg.

Salsløyve for drikk som inneheld høgst 4.7 volumprosent alkohol kan ikkje bli gitt til bensinstasjonar og kioskar. Følgjande varar blir rekna som **kioskvarar**:

”Tobakk- og røykeartiklar, avisar, blader og tidsskrift, bøker, skrivesaker, toalettartiklar, hygieniske artiklar, sukker- og sjokoladeprodukt, bakeri- og konditorivarar, frimerke, innspilte og uinnspilte lyd- og billedkassetar, film, mineralvatn, frukt, souvenirar, husflidvarar og lignende.
Vidare reknast pølsebod- eller gatekjøkenvarar som pølser, hamburgerar, kylling, pommes frites eller andre varar som er berekna på å bli fortært på staden.”

I spesielle tilfelle kan det bli gjort **unnatak** frå retningslinene – dersom det er tenleg ut frå ei heilheitsvurdering.

II – 2.242 Salsløyve for A/S Vinmonopolet i Lindås kommune

I medhald av alkohollova § 3-3 godkjenner Lindås kommune **utsalsstad for A/S Vinmonopolet – lokalisert til Knarvik.**

II – 2.25 Skjenkeløyve i kommunen

II – 2.251 Generelle bestemmelser

Skjenkeløyve for

- alkoholhaldig drikk med høgst 4.7 volumprosent alkohol
- all alkoholhaldig drikk med lågare alkoholinnhald enn 22 volumprosent
- all alkoholhaldig drikk

kan berre bli tildelt følgjande konsept:

- Spisestader
- Skjenkestader med liten eller ingen matsservering
- Hotell
- Selskapslokale

Løyver vert tildelt etter ei konkret vurdering. I utgangspunktet vert spisestader prioritert. Nye løyve til andre konsept kan bli tildelt etter ei særskild vurdering. Skal skjenkeløyve bli gitt, bør det liggje føre andre forhold/sider ved konseptet/ verksemda som tilseier at slikt løyve bør bli gitt.

Ved behandling av søknader om skjenkeløyve skal **alkoholpolitiske vurderingar** bli lagt til grunn. **Tilgangen på alkohol skal begrensa** – og det skal bli ført ein **restriktiv tildelingspolitikk** ved behandling av nye skjenkeløyve.

Skjenkeløyve for alkoholhaldig drikk med høgst 4.7 volumprosent alkohol eller all alkoholhaldig drikk med lågare alkoholinnhald enn 22 volumprosent eller all alkoholhaldig drikk **kan bli tildelt søkjarar som på søknadstidspunktet:**

- Har ein uklanderleg vandel
- Oppfyller dei krav alkohollova og retningsliner vedtekne av Lindås kommune set til løyvehavar og andre personar som er impliserte i verksemda
- Blir vurdert eigna til å inneha løyve.

Alle stader med skjenkeløyve skal ved synleg plassert skilting opplyse om aldersbestemmelsene ved staden

II – 2.252 Retningsliner for å avgrense eventuelle skadelege

verknader av alkoholskjenking -

- a. Skjenkestadene bør **ikkje liggje nær**/ved skular, barnehagar, idrettsplassar, ungdomshus.
- b. Ålment skjenkeløyve bør ikkje bli gitt til serveringsstader som er:
 - Spesielt retta mot ungdom under 18 år og/eller familiar med mindreårige, under dette vanlege kafear.
 - Plassert i skule og undervisningsbygg
 - Plassert i lokale som er tiltenkt idretts- eller mosjonsaktivitet eller spesielle førebyggjande tiltak for ungdom – samstundes som slik aktivitet foregår.
- c. Stader som spesielt tiltrekker seg støy, ordensmessige problem eller kriminalitet bør ikkje bli gitt skjenkeløyve
- d. Stader som er for uoversiktleg innredet bør ikkje bli gitt skjenkeløyve. Fordi det er vanskeleg å føre tilstrekkeleg kontroll med skjenkinga.
- e. Skjenkestadene må organisere **uteserveringsstadene** slik at dei ligg tydeleg avgrensa og så langt råd er avskjerma i forhold til trafikk og tryggleik.
- f. For at det skal kunne gjevast skjenkeløyve som kan brukast i opningstida i eit kjøpesenter/butikkssenter, må tiltaket vere i avlukka lokale

II – 2.253 Ymse retningsliner - skjenking

- a. **Hotell blir normalt tildelt skjenkeløyve.**

- b. **Skjenkeløyve til restauranter må kommunestyret** – eller den instans kommunestyret gir mynde til – ta stilling til i kvart einskild tilfelle.
- c. **Fleire skjenkeløyve** skal bli gitt når skjenkestadene er utforma slik at gjestene ikkje fysisk kan bevege seg frå eitt skjenkeområde til eit anna.
- d. **Skjenkeløyve til båtar/skip**
Båtar/skip kan bli tildelt skjenkeløyve for alkoholhaldig drikk med høgst 4.7 volumprosent alkohol eller all alkoholhaldig drikk med lågare alkoholinnhald enn 22 volumprosent. Skjenkeløyve for all alkoholhaldig drikk blir ikkje tildelt båtar/skip. Skjenking ved kai er berre tillete til slutta selskap. Skjenking ved kai er elles berre tillatt ein time før båtens/skipets avgang.

II – 2.26 Ambulerande skjenkeløyve i kommunen

I medhald av alkohollova § 4-5 har kommunestyret oppretta 4 ambulerande skjenkeløyve for alkoholhaldig drikk

II – 2.261 Generelle bestemmelser

Ambulerande skjenkeløyve for alkoholhaldig drikk kan bli gitt til person over 20 år – eller til ein juridisk person – som må påreknast ikkje å ville misbruke løyve.

Ambulerande løyve kan bli gitt for

- alkoholhaldig drikk med høgst 4.7 volumprosent alkohol
- all alkoholhaldig drikk med lågare alkoholinnhald enn 22 volumprosent
- all alkoholhaldig drikk

Ambulerande løyve er tenkt brukt ved bryllaup, jubileum og liknande arrangement.

Skjenking i medhald av eit ambulerande løyve kan **berre skje til deltakarar i slutta selskap**, som haldast anten i private eller offentlege lokale. Det er ikkje krav om førehandsgodkjenning av lokala.

Skjenking i medhald av **ambulerande løyve** kan **ikkje skje i kommunale skular eller kommunale fritidsklubbar**.

Mynde til å **avgjere søknader** om ambulerande skjenkeløyve blir lagt til kommunestyret – eller den instans kommunestyret gir slik mynde til.

II – 2.262 Skjenke- og opningstider i kommunen

Skjenke- og opningstiden ved bruk av ambulerande skjenkeløyve følgjer dei alminnelege bestemmelsene for skjenke- og opningstider fastsatt i forskrift om sals-, skjenke- og opningstider i Lindås kommune, dersom ikkje anna er fastsett i vedtaket.

II – 2.27 Opne arrangement

Skjenkegebyr, tilsvarande maksimalsats ifølgje alkoholforskrifta § 6-2, vert å betale for alment skjenkeløyve gjeve for ein skilde anledning

II – 2.28 Løyve til uteservering.

II – 2.281 Generell bestemmelse

- a. Det blir som hovudregel **ikkje** bli gitt løyve til servering av alkoholhaldig drikk på over 22 volumprosent på **uteserveringsareal**. Løyve til uteservering av alkoholhaldig drikk over 22 volumprosent kan etter ei konkret vurdering bli gitt der slik skjenking framstår som ein naturleg del av staden sitt totalkonsept – ute- og inneskjenkinga sett under eitt.

Der uteservingane står fram som store einingar eller som eigna einingar utan direkte forankring til innanforliggende skjenkeverksemd, blir det i utgangspunktet **ikkje** gitt skjenkeløyve for alkoholhaldig drikk over 22 volumprosent ved uteserveringa.

- b. Av **kontrollomsyn** skal som hovudregel all servering skje ved borda. Unnatak frå dette gjeld når det er etablert eit eige tappetårn ved uteserveringa. Unnataket gjeld berre når tappetårnet er betjent. Andre unnatak frå hovudregelen kan bli vurdert etter søknad.
- c. Det er **ikkje tillatt med musikk eller underhaldning ved bruk av elektrisk anlegg/høgtalar på uteserveringa etter kl. 2200. Musikk eller underhaldning må uansett ikkje vere slik at det er til vesentleg sjenanse eller ulempe for dei som bur eller oppheld seg ved området der uteserveringa er.**

II – 2.282 Framkommelegheit og trafikkale forhold – retningslinjer

Framkommelegheita og dei trafikkale forhold skal vere gode. Uteserveringa skal ikkje plasserast slik at det medfører urimeleg skade eller ulempe eller er til hinder for forbipasserande eller brukarar elles av området.

Uteservering må **ikkje kome i konflikt med brannrømningsvegane.** Uteservering skal ikkje bli plassert slik at heile gateløp/vegar blir sperra for **utrykningskøyretøy.**

Bredden til fri ferdsel blir avgjort etter ei konkret vurdering. Den skal i utgangspunktet ikkje vere under 3.5 meter. Unnatak kan bli gjort i område med liten ferdsel. Bredden til fri ferdsel kan aukast i område med stor ferdsel.

Uteserveringa må som hovudregel vere ordna slik at gjestar og personale ikkje treng å krysse gateløp for å kome til fasilitetar som toalett, oppvask m.v.

II – 2.283 Avgrensing av skjenkearealet

Løyve for uteservering gjeld for det **areal og tal stolar** som er oppgitte i vedtaket. Ståplassar er ikkje tillatt. Løyvet gjeld det driftskonsept som er oppgitt i søknaden.

Skjenkearealet på uteserveringa må vere **klart avgrensa** mot det arealet som ikkje er skjenkeareal. Følgjande avgrensingar blir godtekne: Metallgjerde i lengre seksjonar som ikkje er grunnfaste – i kombinasjon med tøy eller tau, eller andre løysingar som sikrar behovet for avgrensing og flyttbarheit.

Avgrensingar på offentleg grunn skal bli **fjerna** når dei ikkje er i bruk.

II – 2.284 Krav til søknad og bruksløyve i kommunen

Før søknad om uteservering blir behandla må **teikningar** som viser avgrensing av skjenkearealet bli sendt til kommunen.

Før løyve til uteservering blir teke i bruk, skal søkjar sende **eigenerklæring** til kommunen som stadfester:

- a. at søkjar har lovleg adgang til å nytte arealet til uteservering
- b. at plan- og bygningsmyndigheitene har godkjent uteserveringa med eventuelle innretningar
- c. at Mattilsynet har gitt dei naudsynte løyve for bruk av uteserveringa.

Løyveharar har plikt til å gi kommunen **melding** om endringar som medfører at dei opplysningar som er gitt i eigenerklæringa ikkje lenger er korrekte.

Før løyve til uteservering blir teke i bruk skal representant for kommunen ha vore på **befaring** på staden.

II – 2.29 Gjennomføring av kunnskapsprøven om alkohollova

Kommunen er ansvarleg for å gjennomføre kunnskapsprøvar for styrarar og aløysarar i verksemder som har eller søker om kommunalt sals- og skjenkeløyve, jfr. § 1-7c i alkohollova. Kommunen kan og halde slike kunnskapsprøver for kandidatar som ikkje er knytt til verksemder med løyve. Sosial- og helsedepartementet har fastsett forskrift om dokumentasjon av kunnskapar.

II – 2.291 Kontroll med sals- og skjenkeløyve og reaksjonar

på brot

II – 2.2911 Generelle bestemmelser

Det skal først **kontroll med utsalsstader** som har kommunalt løyve til sal av alkoholhaldig drikk og med **skjenkestader** som har kommunalt løyve.

Kommunens mål om å redusere rusmiddelbruken skal vere retningsgivande for kontrollavdelinga sitt arbeid.

Kontroll skal skje så ofte det er behov, jfr. alkoholforskrift § 9-7. Kvar løyvestad skal likevel bli kontrollert minst ein gong pr. år. Til saman skal kommunen utføre tre gonger så mange kontrollar som det er sals- og skjenkestader i kommune. Kommunen bestemmer sjølv korleis kontrollane skal bli fordelt på dei ulike løyvestadene.

Det er tenleg at kontrollen blir utført i samarbeid med:

- Branntilsyn etter brannlova
- Økonomikontroll etter skattelova og avgiftslovgjevninga
- Ordenskontroll v/lensmannen

Naudsynt mannskap blir rekruttert til å gjere kontrollarbeidet. Kontrollørane gjennomgår relevant **opplæring** – før dei blir sett inn i tenesta.

II – 2.2912 Kontroll av salsstadene

Kontrollar av salsstadene skal som utgangspunkt bli gjort av **ein kontrollør**. Dersom spesielle forhold gjer seg gjeldande kan kontrollen bli utført av **2 personar**.

Kontroll av salsstader skal m.a. omfatte:

- *Sal til openberr rusa personar*
- *Aldersgrensebestemmelsene for kunder som kjøpar alkoholhaldig drikk som inneheld høgst 4.7 volumprosent og for betjening som sel slik alkoholhaldig drikk.*
- *Sal utover løyvet sitt omfang*
- *Sal av omsetningsform.*

II – 2.29121 Kontroll av skjenkestadene – retningsliner i kommunen

Skjenkekontrollar skal i utgangspunktet bli utført av **to personar** som saman kontrollerar skjenkestadene. Der **små** skjenkestader eller spisestader skal bli kontrollert, er det som hovudregel tilstrekkeleg med ein kontrollør.

Kontrollane vil skje på alle vekedagene – med **hovudvekt på fredagar og laurdagar**.

Kontroll av skjenkestader skal m.a. omfatte:

- *Skjenking til openberr rusa person*
- *Aldersgrensebestemmelser for gjester og skjenkepersonale*
- *Skjenketid/opningstid*
- *Eventuelt forbod mot skjenking*
- *Skjenking utover løyvet sitt omfang*
- *Skjenkestadens si plikt til å føre alkoholsvak og alkoholfri drikk*
- *Forholdet mellom talet på betjeninga, talet på gjestar og skjenkestadens beskaffenheit*
- *Om skjenkestaden overheld alkoholreklameforbodet*
- *Generell orden i lokalet.*

II – 2.2913 Kontrollrapportar

Ved kontrollene utarbeidar kontrolløren(ane) **skriftleg rapport** frå kontrollen. Ein **gjenpart** av kontrollrapporten blir overlevert ved kontrollens avslutning til **ansvarshavande på staden**. Kommunen sender innan fjorten dagar etter utført kontroll ein **kopi av kontrollrapporten til løyvehavar**. Dersom kontrolløren(ane) skriv ein **tilleggsrapport** til kontrollen skal og denne innan fjorten dagar bli sendt til løyvehavar.

Rapporter som kan føre til **inndraging** av løyvinga blir sendt – med **eventuelle kommentarar frå løyvehavar** – til **kontrollutvalet og vidare til kommunestyret**. Rapportene elles blir å leggje fram i ein samlerapport to gonger for året.

II – 2.2914 Reaksjonar ved brot på alkoholova

Det er viktig med eit konsekvent, rettferdig og forutsigbart reaksjonssystem i dei tilfelle alkoholova sine bestemmelser ikkje overhaldne.

Brot på alkoholova eller alkoholforskrifter blir inndelt i 3 grupper:

1 Mindre alvorlege brot, 1 prikk

- 1.1 Manglar alkoholfrie alternativ
- 1.2 Manglar ved skjenkekart
- 1.3 Brot på reklamebestemmelsene

2 Alvorlige brot, 2 prikker

- 2.1 Alkohol blir teke med utanfor godkjend skjenkeareal, eller medbrakt alkohol/alkohol blir nytt i salslokalet
- 2.2 Det blir gitt fortsatt alkoholserving ved bord der openberr rusa person ikkje er vist ut.
- 2.3 Manglande eller svært store manglar ved internkontrollhåndboka

3 Svært alvorlige brot, 5 til 8 prikker

- 3.1 Skjenking/ sal ut over tillatt skjenketid/ salstid
- 3.2 Openberr rusa blir gitt adgang til skjenkestaden/ blir ikkje vist ut før kontrolløren gjør merksam på forholdet
- 3.3 Det blir skjenka/ selt til openberr rusa person
- 3.4 Det blir skjenka/ selt til eller av personar som ikkje oppfyllar alderskrava

- 4 Ved bot på retningslinenes pkt. 3.3. og 3.4. skal det som hovudregel bli reagert med ei inndragning av løyvet på 2 veker allereie etter første gongs brot, dersom det ikkje ligg føre særleg formildande eller skjerpande forhold.

Andre gongs brot på desse bestemmelsene kan føre til inndragning av løyvet i inntil 1 måned, tredje gongs brot til inndragning av løyvet i inntil 2 månader. Gjentakning ut over dette kan føre til inndragning i resten av løyveperioden.

Ved andre brot enn dei nemnde kan løyvet bli inndrege i 2 veker dersom summen av prikkar kjem opp i 8, ved gjentakning kan løyvet bli inndrege i inntil 1 måned, mens tredje gongs brot kan føre til ei inndragning i 2 månader. Gjentakning ut over dette kan føre til inndragning i resten av løyveperioden.

Vesentlege brot på skatte- avgifts- og rekneskapslovgivninga, førar til inndragning av løyve i en periode på minimum 3 månader allereie ved første gongsbrot. Brot på bokføringsforskriftas § 5-3-2 førar ved første gong brot til inndragning av løyvet i minimum ein måned. Ved gjentatt brot blir løyve inndrege for tre månader. Ved tredje gongsbrot blir løyvet inndrege for resten av løyveperioden.

Ved vesentlege brot på arbeidsmiljølovas bestemmelser kan skjenkeløyve bli inndrege i 2 veker allereie etter første gongsbrot , dersom det ikkje ligg føre særlig formildande eller skjerpande forhold. Kva som er vesentlege brot blir fastsett i samarbeid med arbeidstilsynet.

Andre gongs brot på desse bestemmelsene kan føre til inndragning av løyvet i inntil 1 måned, tredje gongs brot til inndragning av løyvet i inntil 2 månader. Gjentakning ut over dette kan føre til inndragning i resten av løyveperioden.

Manglande innsending av revisorstadfesta omsetningsoppgåve og manglande betaling av løyvegebyr førar til at kommunestyret eller den kommunestyret bemyndigar, kan inndra løyvet inntil omsetningsoppgåva er innsendt eller gebyret er betalt.

- 5 Ved oppsummering av prikkbelastningar er det brot i løpet av dei 12 siste månader før den siste hendinga som blir lagt til grunn. Etter i inndragningsperiode startar løyvehavar på nytt utan prikkbelastning.
- 6 Kommunestyret eller den kommunestyret bemyndigar, blir gitt fullmakt til å tildele prikkar etter gjeldande regelverk. Kommunestyret har fullmakt til å inndra løyve.

Del III Forskrift om sals-, skjenke- og opningstider i Lindås kommune

Vedteken av kommunestyret i møte 18.mars-04 i sak 21/04 – med endring i møte 19.05.05 – sak nr. 40/05, endring i møte 16.06.05 – sak nr. 56/05 og endring i møte 18.05.06 – sak nr. 36/06.

Fastsett med heimel i lov av 2.juni 1989 nr. 27 om omsetning av alkoholhaldig drikk mv. § 3-7 og § 4-4 og lov av 13.juni 1997 nr. 55 om serveringsvirksomhet § 15.

Sal og utlevering av alkoholhaldig drikk

- a. Sal og utlevering av drikk som inneheld høgst 4.7 volumprosent alkohol kan skje frå kl. 0900 til kl. 2000 på kvardagar.
- b. Sal og utlevering av drikk som inneheld høgst 4.7 volumprosent alkohol kan skje frå kl. 0900 til kl. 1800 før søn- og helligdagar, med unntak av dagen før Kristi Himmelfartsdag der sal kan skje fram til kl. 1800. Påske-, pinse-, jule- og nyttårsaften er salstida til kl. 1500.
- c. Løyveharar er ansvarleg for at drikk med alkoholinnhald over 2.50 volumprosent er tildekka/ikkje lenger er tilgjengeleg i butikken ved salstidas slutt. Betaling kan imidlertid skje etter dette tidspunkt dersom kunden har forsynt seg med drikken før salstidas slutt.
- d. Sal og utlevering av drikk som inneheld høgst 4.7 volumprosent alkohol skal ikkje skje på søn- og helligdagar, 1. og 17. mai, eller på stemmedagen for stortingsval, fylkestingsval, kommunestyreval og folkeavstemming vedteke med lov.

2. Alminnelege skjenkebestemmelser

- a. Skjenketida for all alkoholhaldig drikk med lågare alkoholinnhald enn 22 volumprosent alle dagar frå kl. 0800 til kl. 0100 – med følgjande unntak:
 - Søn- og helligdagar startar skjenking frå kl. 1200.
 - Fredagar og laurdagar, 2.juledag og nyttårsafta - til kl. 0200.
- b. Skjenketida for lågare alkoholinnhald med volumprosent mellom 22 og 60, frå kl. 1300 til kl. 2400 alle dagar – med følgjande unntak:
 - Fredagar og laurdagar, 2.juledag og nyttårsafta - til kl. 0100

- c. For stader som har løyve til uteservering, er skjenketida for all alkoholhaldig drikk med lågare alkoholinnhald enn 22 volumprosent frå kl. 0900 til kl. 0100. For uteserveringar som har løyve til skjenking av all alkoholhaldig drikk, er skjenketida for alkoholhaldig drikk mellom 22 og 60 volumprosent frå kl. 1300 til kl. 0100.

Skjenketida gjeld berre fredagar og laurdagar.

- d. For stader som har skjenkeløyve til slutta selskap, er skjenketida for all alkoholhaldig drikk med lågare alkoholinnhald enn 22 volumprosent frå kl. 0900 til maks. kl. 0200. For alkoholhaldig drikk mellom 22 og 60 volumprosent er skjenketida frå kl. 1300 til maks. kl. 0200 – med opningstid til maks. kl. 0230.

3. Opningstider

Opningstid er ein halv time lengre enn skjenketida – dersom ikkje anna er bestemt.

4. Konsum av utskjenka alkohol

Konsum av utskjenka alkohol skal opphøyre seinast ein halv time etter skjenketida.

Postadresse
Postboks 55, 5902
ISDALSTØ

Besøksadresse
Kvernhusaugane 2, 5902
Isdalstø

Telefon
56 35 66 60

Telefaks
56 35 66 61

Konto
7413 05 01005

Organisasjonsnr.
935 084 733